

JAMUHURI YA MUUNGANO WA TANZANIA
WIZARA YA AFYA



MKATABA WA UZAJI WA VIFAA NA UTENGENEZAJI WA MILANGO
KATIKA
HOSPITALI YA RUFAA YA MKOA

BAINA YA

HOSPITALI YA RUFAA YA MKOA WA MANYARA

NA

RAISI FURNITURE T/ A S.R KYARA

MKATABA NA:.....

Mkataba Huu Umeingiwa leo Tarehe4..... Mwezi2.....2022

KATI YA

Hospitali ya Rufaa ya Mkoa wa Manyara, S.L.P. 577. BABATI, MANYARA (ambaye atajulikana kama Mnunuzi kwa upande mmoja.)

NA

Raisi Furniture T/ A S.R Kyara wa **S.L.P 102 Manyara Babati** (ambaye atajulikana kama Muuzaji kwa upande mwingine.)

KWA KUWA Hospitali ya Rufaa ya Mkoa wa Manyara iko tayari na inania na Inahitaji vifaa vya samani vya ofisini kutoka kwa Raisi Furniture T/ A S.R Kyara, Hospitali itahitaji muuzaji auze vifaa vya samani vya ofisini kwa masharti yatakayo ainishwa kwenye mkataba huu.

NA KWA KUWA Mzabuni yuko tayari na anania na uwezo wa kutoa huduma ya Uuzaji wa Vifaa vya samani vya ofisini kwa kuzingatia makubaliano na masharti kama yalivyoainishwa hapa chini.

SASA WAHUSIKA WANAKUBALIANA YAFUATAYO;

1.0. MAELEZO YA VIFAA VYA SAMANI ZA OFISINI.

1.1. Mkataba huu utakuwa ni wa Uuzaji wa vifaa vya samani vya ofisini katika Hospitali ya Rufaa ya Mkoa wa Manyara.

1.2. Vifaa ambavyo Mzabuni ataleta katika Hospitali ya Rufaa ya Mkoa wa Manyara ni kama ilivyo orodheshwa hapa chini;

S.no	Aina ya Kifaa	Kizio	Idadi	Thamani	Jumla
1.	Meza kubwa mbao ngumu mninga yenye pazia ya mbao katikati urefu 250x upana 120 x kimo 80 .	pc	1	3500,000	3,500,000
2	Meza ndogo mbao ngumu mninga yenye pazia ya mbao katikati urefu 120x upana 80 x kimo 80cm .	Pcs	4	1,800,000	7,200,000
3.	Viti mbao ngumu mninga vyenye vitako na egemeo la kitambaa cha ngozi urefu 110xupana 46x46x46	Pcs	8	350,000	2800,000
	Sub Total				13,500,000
	Vat 18%				INCLUSIVE
	Total "1"				13,500,000

NA KWA KUWA Mzabuni yuko tayari na ana uwezo wa kufanya kazi hiyo:

HIVYO BASI, WAHUSIKA WANAKUBALIANA KAMA IFUATAVYO:

1: MAELEZO YA KAZI.

Kazi zinazotakiwa kufanyika ni kama ifuatavyo:

- a) Kuleta vifaa mpaka eneo husika.
- b) Vifaa tajwa hapo juu vitakavyozwa viwe vimekidhi viwango vya ubora kama ulivyoelekezwa kwenye nukuu za bei.

2: MUDA WA KUKAMILISHA KAZI/MUDA WA MKATABA.

Mzabuni amekubaliana na **Mnunuzi** kuleta vifaa tajwa hapo juu ndani ya miezi miwili baada ya kusainiwa kwa mkataba huu. Ieleweke wazi kuwa **Mzabuni** akishindwa kukamilisha kazi/ kuleta vifaa vya samani za ofisi kwa muda waliokubaliana na **Mnunuzi**, atawajibika kumlipa Mnunuzi fidia ya ucheleweshaji (liquidated damage) ya asilimia moja (1%) ya gharama kwa siku kwa kila siku inayoongezeka baada ya kuvunja kipengele hiki cha Mkataba hadi atakapokamilisha kazi husika.

3. MALIPO KWA MZABUNI:

Mzabuni atalipwa malipo yake yote pale tu atakapomaliza kuleta vifaa vyote na atakapokamilisha kazi ya usambazaji wa vifaa vya samani za ofisini katika Hospitali ya Rufaa ya Mkoa wa Manyara na Hospitali kukagua na kujiridhisha kuwa vifaa vilivyoletwa vipo kwa mujibu wa mkataba wake ndipo Mzabuni atalipwa malipo yake ambayo ni kiasi cha **Tsh Tsh 13,500,000/= (Milioni Kumi na Tatu na Laki Tano Tu)**

4. MAJUKUMU YA WAHUSIKA:

4.1 Majukumu ya Mzabuni

Mzabuni atatakiwa:

- (a) Kutoa Huduma inayohitajika na Mnunuzi kwa wakati na muda waliokubaliana.
- (b) Kutoa Huduma kwa viwango vilivyooneshwa na ubora unaotakiwa na Mnunuzi
- (c) Kuzingatia suala la muda katika kutekeleza huduma hiyo;
- (d) Kuzingatia uangalifu, uadilifu na uaminifu wakati wa kutekeleza Mkataba huu. Itakapobainika kuna udanganyifu katika kutekeleza kazi hii kinyume na makubaliano yaliyomo kwenye Mkataba huu, Mzabuni atalazimika kurejesha gharama zote za Mkataba huu nakufikishwa katika vyombo vya Sheria kwa hatua za kisheria zaidi;

4.2 MAJUKUMU YA MNUNUZI.

Mnunuzi atatakiwa:

- (a) Kumuwezesha Mzabuni kuwa na mazingira mazuri katika utekelezaji wa Mkataba huu, ikiwa ni pamoja na kukagua ubora wa huduma na kutoa ushauri au maelekezo pale inapohitajika kulingana na mahitaji ya Mnunuzi.
- (b) Kumlipa Mzabuni stahiki yake kama makubaliano yalivyo. Ieleweke kuwa Mnunuzi hatalipa malipo yoyote Kwa Mzabuni kabla ya kukamilisha kuleta vifaa kulingana na Mkataba huu. Aidha, Mnunuzi hatalipa kiasi chochote cha malipo kwa Mzabuni kama Mzabuni atashindwa kukamilisha kazi kwa wakati kulingana na Mkataba badala yake Mzabuni atatakiwa kulipa fidia ya ucheleweshaji vifaa kwa Mnunuzi.
- (c) Kukagua Vifaa Vyote vya samani kutoka kwa Mzabuni na kutoa ushirikiano unaofaa wakati Mnunuzi atakapohitaji kufanya hivyo.

5. MATUKIO YASİYOTARAJIWA (FORCE MAJEURE)

- 5.1 Matukio yasiyotarajiwa (**FORCE MAJEURE**) yana maana ya matukio yaliyo nje ya uwezo wa wahusika na ambayo hawakuweza kuyaona wakati wa kusaini Mkataba huu, ambapo matokeo yake yatasababisha Mzabuni asiweze kutekeleza Mkataba huu. Matukio hayo ni kama vita, vita vya kikabila, moto, mafuriko, mgomo, magonjwa ya mlipuko, Mabadiliko ya Sheria na mengineyo.
- 5.2 Matukio haya yatakapotokea wahusika wa Mkataba huu wataahirisha utekelezaji wa Mkataba huu bila kuwajibika kwa hasara itakayotokana na tukio husika, kwa kipindi na eneo linalohusika na lililoathiriwa na tukio husika.
- 5.3 Wahusika wa Mkataba huu watapeana taarifa haraka iwezekanavyo kabla ya kusimamisha kazi/ huduma. Kama taarifa ya awali imetolewa kwa njia isiyo ya maandishi, ndani ya masaa 24 taarifa iliyotolewa kwa njia isiyo ya maandishi itolewe kwa maandishi. Mawasiliano yote ya maandishi yatawasilishwa kwenye ofisi ya Mnunuzi na siyo sehemu nyingine yoyote.

6. UWAJIBIKAJI WA WAHUSIKA.

- 6.1 Mzabuni atawajibika kwa hasara, uharibifu na gharama zinazotokana na uzembe wake mwenyewe, mawakala wake au wafanyakazi wake wakati wa utekelezaji wa Mkataba huu.
- 6.2 Mnunuzi hatawajibika kwa hasara au uharibifu wowote utakaotokana na uzembe wa Mzabuni mwenyewe au Mawakala wake au wafanyakazi wake wakati wa utekelezaji wa Mkataba huu.

7. KUSULUHISHA MIGOGORO:

- 7.1 Wahusika wa Mkataba huu watatumia uwezo wao wenyewe kusuluhisha kwa amani migogoro na tofauti yoyote itakayojitokeza kati yao inayohusu utekelezaji wa Mkataba huu.

- 7.2 Endapo watashindwa kusuluhisha mgogoro au tofauti kati yao, mmoja wao atawasilisha mgogoro huo kwa msuluhishi kulingana na **Sheria ya Usuluhishi Na.2 ya mwaka 2020**
- 7.3 Hatua ya mwisho itakuwa ni kwenda Mahakamani endapo wahusika watashindwa kusuluhisha mgogoro wao.

8. SHERIA ITAKAYOTUMIKA:

Mkataba huu utatafsiriwa kwa mujibu wa Sheria za Jamhuri ya Muungano wa Tanzania.

9. MAELEKEZO/MAWASILIANO:

Maelekezo yanayotolewa na Mnunuzi yatakuwa kwa maandishi. Kwa sababu nyingine yoyote ile maelekezo hayo yanaweza yakatolewa kwa njia ya mdomo, Mzabuni atafuata maelekezo hayo. Katika muda usiozidi saa 72. Mnunuzi atatakiwa kuthibitisha kwa maandishi maelekezo aliyoyatoa awali kwa njia ya mdomo.

10. KUHAMISHA MKATABA

Uhawilishaji: Mutoa Huduma hatahamisha jukumu lake la kimkataba iwe lote au sehemu ya majukumu yake kwa Mtoa Huduma mwingine kabla ya kupata idhini ya maandishi ya Mnunuzi.

11. VIFAA VINAVYOWEZA KUKATALIWA:

Vifaa visivyo kidhi mahitaji, viwango na maelekezo ya Mnunuzi kama ilivyo elekezwa kwenye Mkataba vitakataliwa na Mnunuzi. Kwa maelekezo ya Mnunuzi, Mzabuni kwa gharama zake mwenyewe atarekebisha kifaa kitakachokuwa kimekataliwa hadi kumridhisha Mnunuzi kikamilifu. Endapo Mzabuni atashindwa kufanya marekebisho au mabadiliko ya kifaa kilicho kataliwa kwa wakati, Mnunuzi atahesabu hasara itakayosababishwa na uzembe huo na mzabuni atawajibika kama ilivyoielezwa katika Kifungu cha 4.1 hapo juu.

12. MABADILIKO YA BEI:

Hakuna mabadiliko yoyote ya bei yatakayofanyika katika kipindi chote cha utekelezaji wa mkataba huu.

13. KUVUNJA MKATABA:

13.1 Kama **Mzabuni** atashindwa kuanza kufanya kazi/ kutoa huduma katika muda uliopangwa au kuna sababu za kutosha kuamini kuwa hatakamilisha kutoa huduma yote katika muda uliopangwa au kuna ucheleweshaji uliokiuka tarehe na muda wa kukamilisha kutoa huduma au anashindwa kufuata moja ya masharti au hafuata maelekezo ya Mnunuzi au anakuwa mufilisi, Mnunuzi atakuwa na haki ya kuvunja mkataba na kutafuta **Mzabuni** mpya wa kufanya kazi hiyo.

14. MALIPO BAADA YA MKATABA KUVUNJIKA:

Kama Mkataba umevunjika, **Mzabuni** atalipwa na Mnunuzi fedha au maamuzi yatakayo kuwabado hayajalipiwa katika malipo atakayokuwa amelipwa **Mzabuni** kwa Huduma yote itakayokuwa imetolewa kwa Mnunuzi kabla ya kuvunjika Mkataba kwa kima na bei kama ilivyotolewa kwenye Mkataba.


15. TAMKO LA MZABUNI


15.1 Mimi SERVI R. KYARA Ambaye ni MZABUNI natamka wazi kwamba nimefanya utafiti wa kutosha kwa ajili ya Kufanya kazi ya kuleta vifaa vya samani za ofisini katika Hospitali ya Rufaa ya Mkoa wa Manyara kwa gharama ya **Tsh 13,500,000/= (Milioni Kumi na Tatu na Laki Tano Tu)**

15.2 Gharama zote hizo zinajumuisha uuzaji wa vifaa vyote, Usafirishaji, Ufundi pamoja na matengenezo ya Milango katika Hospitali ya Rufaa ya Mkoa wa Manyara. Hakuna gharama yoyote itakayoongezeka au mabadiliko yoyote ya bei yatakayofanyika katika kipindi chote cha utekelezaji wa mkataba huu.


ILI KUTHIBITISHA MAKUBALIANO HAYA, Wahusika wamesaini Mkataba huu kwa siku na tarehe kama inavyoonekana hapa chini:-

KWA UPANDE WA MNUNUZI MKATABA HUU UMESAINIWA NA:

JINA: KATHERINE MACHALI CHEO: MGANGA MFAWIDHI
SAHIHI:  ANUANI: 577 BABATI
TAREHE: 04/02/2022



SHAHIDI:


JINA: AISHA ELIAS CHEO: KATIBU WAAFYA
SAHIHI:  ANUANI: 577 BABATI
TAREHE: 04/02/2022

KWA UPANDE WA MZABUNI MKATABA HUU UMESAINIWA NA:

JINA: Selvi R. Kyara SAHIHI: 
ANWANI: Babati TAREHE: H. 2. 2022



SHAHIDI:

JINA: Joseph B. Manyo SAHIHI: 
CHEO: Fundi ANWAN: BABATI
TAREHE: 04/02/2022